



Arkivnr: 2015/11453-56
Saksbehandlar: Adeline Berntsen Landro

Saksframlegg

Saksgang

Utval	Saknr.	Møtedato
Hordaland fagskulestyre		18.11.2016

Oppretting av ny lokal klagenemnd for Fagskolane i Hordaland

Samandrag

Etter endringane i fagskulelova som trådde i kraft 1. juli 2016, vert det stilt nye krav til ei lokal klagenemnd for fagskulane. Klagenemnda skal ha fem medlemmer med personlege varamedlemmer. Leiar og vara for leiar skal fylle dei lovbestemte krava for lagdommarar og kan ikkje vere tilsett ved ein av fagskulane. To av medlemmane skal vere studentar og skal veljast av studentane sjølve. Den lokale klagenemnda skal handsama klager frå studentar over enkeltvedtak som er gjort ved ein av fagskulane. Døme på klager kan vere tap av rettar, formelle feil ved eksamen, avslag på søknad om fritak eller innpassering, avslag på opptak til fagskulen m.m. I tillegg kan styret vedta at klagenemnda kan handsame saker og fatte enkeltvedtak i høve til føresegner om disiplinære sanksjonar.

Forslag til vedtak

- 1 Fagskulestyret oppretter lokal klagenemnd for Fagskolane i Hordaland med følgjande medlemmer og varamedlemmer:
 - Sunniva Schultze-Florey (leiar)
 - Torill M. Flatebø
 - Mette Holmefjord Olsen
 - Jakob Vintertun (student)
 - Lars Snilstveit Gunnerud (student)

 - Åshild Fossgard Sandøy (vara for leiar, Schultze-Florey)
 - Aud M. Skriverhaug Hilland (vara for Flatebø)
 - Giulia Casella (vara for Holmefjord Olsen)
 - Vegard Øvestad (student, vara for Snilstveit Gunnerud)
 - Malene Kristin Gimmestad (student, vara for Vintertun)
- 2 Styret vedtek instruks for lokal klagenemnd for Fagskolane i Hordaland slik det kjem fram av saka.

Svein Leidulf Heggheim
fylkesdirektør opplæring
ansvarleg for saksførebuing til fagskulestyret

Linda Farestveit
seksjonsleiar skule

Saksframlegget er godkjent elektronisk og har derfor inga underskrift.

Fylkesrådmannen, 24.10.2016

Etter endringane i fagskulelova som trådde i kraft 1. juli 2016 vert det stilt nye krav til ei lokal klagenemnd for fagskulane. Fagskulelova § 13 set følgjande krav til samansetning og oppgåver for den lokale klagenemnda:

«§ 13. Klageordning og klageorganer

Fagskoler skal opprette en lokal klagenemnd som skal behandle klager over enkeltvedtak. Styret kan bestemme at klagenemnda også skal behandle andre klagesaker for studentene og saker etter §§ 7, 9, 10, 11 og 12. Saker etter disse paragrafene kan ikke behandles av andre organer ved fagskolen.

Den lokale klagenemnda skal ha fem medlemmer med personlige varamedlemmer. Lederen og varamedlemmet for lederen skal fylle de lovbestemte kravene for lagdommere. Lederen og varamedlemmet for lederen skal ikke være ansatt ved fagskolen. To av medlemmene skal være studenter.

Klagenemnda er vedtaksfør når lederen eller varamedlemmet for lederen og to andre medlemmer er til stede.

Den lokale klagenemndas vedtak i saker om fagskolens enkeltvedtak kan ikke påklages.

Departementet gir forskrift om et nasjonalt klageorgan for fagskoleutdanning som skal behandle klager på enkeltvedtak for bestemte områder.

Departementet kan gi forskrift om saksbehandlingen i klagesaker.»

På bakgrunn av dette skal den lokale klagenemnda handsama klager frå studentar over enkeltvedtak som er gjort ved ein av fagskulane. Døme på klager kan vere tap av rettar, formelle feil ved eksamen (§ 7), avslag på søknad om fritak eller innpassering, avslag på opptak til fagskulen m.m. I tillegg kan styret vedta at klagenemnda kan handsame saker og fatte enkeltvedtak i høve til §§ 9, 10, 11 og 12. Desse paragrafane omhandlar følgjande:

- § 9. Annullering av eksamen mm.
- § 10. Uttestenging og bortvisning
- § 11. Vurdering av skikkethet
- § 12. Krav til politiattest

Vidare vert det stilt krav til samansetninga av den lokale klagenemnda. Klagenemnda skal ha fem medlemmer med personleg varamedlemmer. Leiar og vara for leiar skal fylle dei lovbestemte krava for lagdommarar og kan ikkje vere tilsett ved ein av fagskulane. To av medlemmene skal vere studentar og skal veljast av studentane sjølve.

For å fylle krava til kompetanse for leiar og vara for leiar vert det føreslått to tilsette frå fylkesadministrasjonen som har juridisk embetseksamen, og som er over 25 år. Vidare vert det føreslått to medlemmer med personlege varamedlemmer som er blant dei tilsette frå fagskulane. Studentane vel sjølv to representantar og to varamedlemmer til klagenemnda.

Følgjande samansetning vert føreslått av den lokale klagenemnda:

- Sunniva Schultze-Florey (leiar)
- Torill M. Flatebø
- Mette Holmefjord Olsen
- Jakob Vintertun (student)
- Lars Snilstveit Gunnerud (student)

- Åshild Fossgard Sandøy (vara for leiar, Schultze-Florey)

- Aud M. Skrivarhaug Hilland (vara for Flatebø)
- Giulia Casella (vara for Holmefjord Olsen)
- Vegard Øvestad (student, vara for Snilstveit Gunnerud)
- Malene Kristin Gimmestad (student, vara for Vintertun)

Vidare vert det føreslått at den lokale klagenemnda vert delegert ansvar for å gjere vedtak i saker etter §§ 9, 10, 11 og 12. På bakgrunn av dette vert følgjande instruks føreslått for den lokale klagenemnda for Fagskolane i Hordaland:

Instruks for lokal klagenemnd for Fagskolane i Hordaland

Styret for Fagskolane i Hordaland opprettar lokal klagenemnd med 5 medlemmer med personleg vara. Leiar og vara for leiar skal fylle dei lovbestemte krava for lagdommarar. To av medlemmene skal vere studentar. Den lokale klagenemnda innrettar seg etter fagskulelova og føresegner i forvaltningslova om habilitet i §§ 6 til 10, og om teieplikt i §§ 13 til 13 e, samt studentreglementet for Fagskolane i Hordaland.

Den lokale klagenemnda for Fagskolane i Hordaland skal handsama klager som er fremma etter enkeltvedtak gjort ved ein av fagskulane som underinstans (til dømes klager på opptak, avslag på søknad om fritak og innpassering, formelle feil ved eksamen mm.). Forvaltningslova kapittel III til VI og VIII gjeld for avgjerder om opptak, avsluttande vurdering, annullering av eksamen, bortvising, utestenging, skikkavurdering, innpassering og fritak. Vedtak som er fatta av den lokale klagenemnda i saker om fagskulane sine enkeltvedtak er endeleg og kan ikkje påklagast.

Den lokale klagenemnda kan også fatte enkeltvedtak på vegner av styret etter §§ 9, 10, 11 og 12 i fagskulelova. Enkeltvedtak etter desse paragrafane vert gjort etter at sak er fremma av ein av fagskulane. Den lokale klagenemnda er underinstans, og den nasjonale klagenemnda for fagskuleutdanning er klageorgan for klager etter desse paragrafane.

I saker der ein av fagskulane er underinstans skal fagskulen sørge for at klaga er ordentleg belyst. Administrasjonen ved Opplæringsavdelinga utfører sekretariatsfunksjonen for den lokale klagenemnda i alle saker.